

南豐先生元豐類藁

元豐類藁卷之四

古詩

降龍

降龍左右施襟裾兩廊夾朝深渠渠禮下天子一等爾
衣服君處何其殊文播列戟照私第青紫苦若官其擎
先後熒煌首珠翠侍者百十顏溫瑜凝寒墮指熱侵骨
一宴百盞傾金壺窮民疾首望雨露太上欲倚攀姚虞
君胡為乎日時病橐鉞襍艾恬以愉生前赫赫浪自重
身後沒沒寧非愚

湘冠

衡湘有寇未誅剪殺氣凜凜圍江潯北兵居南匪便習

若以大舶乘高岑僉人操兵快如鷗千里其旅巢深林
超突溪崖出又伏勢變不易施戈鐔能者張弓入城郭
連邑累鎮遭驅侵群黨爭誇殺吏士白骨棄野誰棺衾
貔貅數萬直何用月費空已逾千金楚為貧鄉乃其素
應此調發寧能禁捷如馬援不得志強曳兩足登嶽峯
烏蟻睢盱倚崑險此虜難勝端非今較然大體著方冊
唯用守長懷其心祝良張橋乃真選李瑒道古徒為擒
嗚呼廟堂不慎擇彼士齷齪何能任大中咸通乃商鑒
養以歲月其憂深願書此語致太史獻之以補丹衮箴

地動

居聞元氣判為二升降相輔非相傷今者無端越疆畔

陰氣焰焰侵於陽陽收剛明避其勢陰負捷勝尤倡佯
地乘是氣抗於下震盪裂拆垂其常齊秦晉代及荆楚
千百其堵崩連牆隆丘桀屋不自定翩若猛吹搖旌幢
生民洶洶避其所如寄厥命於湖江有聲四出嘻可怕
誰擊萬鼓何雷破陰為氣靜乃如此天意味密寧能詳
或去蚩夷尚侵軼已事豈必垂災祥意者邪臣有事恣
氣象翕翕難為當據經若此非臆決皎如秋日浮青霜
祖宗威靈陛下聖安得直語聞明堂朝廷肅穆法度治
豈用懍懍憂胡羌

邊將

太祖太宗能得人長壘橫邊遮虜塵太傅李漢超侍中

何繼筠二子追接吳與孫鎮齊撫棣功業均卓哉相宗
信英特明如秋泉斷如石一朝出節合二子口付心隨
斷織感靡笄之旁郡城下酒利商租若山積二子開庫
啗戰士以屋量今剩量帛洪濤入坐行酒杯牛戴羊蒸
委若灰歲費巨萬不計籍戰士歡酣氣皆百二子按轡
行邊隅牙纛宛轉翻以舒汛掃沙磧無纖埃塞門千里
常夜開壯耕老舖安且愉桑麻蔽野華芬敷濟南遠清
書樂石百井夜出催窮廬神哉祖宗知大体趙任李牧
真如是漢文齟齬豈足稱卽吏致激面汗駢當今羌夷
久偪蹙兵如直癰理須決堂堂諸公把旄鉞碩策神韜
困羈細祖宗憲度存諸書炒若白日明天衢國容軍政

不可亂薦此以爲

陛下娛

多雨

嗟江之濱地多雨冬雷不收開蟄戶陰氣濁晦化爲霧
或雲於山水礎雜花萬株紅與紫臘吹風吹開不可數
入春十日寒始至春氣欲歸客格住群山曉空雪相亘
摧折草木何可禦霖傾潦洶那復止穹林大丘滅無渚
及今孟夏理宜熱重喪無溫坐當午四時云然了安謂
吁吾有愁誰可語

秋日

陰氣先贏縱秋熱時節有幾相與奪情知赫日不可久

須聽西風生木末浮雲滿天明復暗天意自然如慘怛
園林秀色已漸失次第豈能無葉脫南山獨佳不可挫
氣象更清連日月燕飛度海向何處今去昔來真可劣
綉簾錦幕不平等從此朱門戒霜雪誰憐牛角歌者哀
歲歲苦貧思短褐

山水屏

吳纁落寒機舒卷光亂目秋刀剪新屏尺寸隨折曲
搜羅得珍匠徙倚思先屬經營頃刻內千里在一幅定
眎乃漸通紀一作悉數難迫促山亂若無窮負抱頗重複
高稜最當中桀大勢尤獨回環衆峯接趨向若奔伏矜
雄跨九州爭險桂星宿深疑雪霜積暗覺烟霧觸泉源

出青真漲潦兩崖束歷遠始紆徐
別輪袞谷輕舟漾其間
汭沂無緩速微尋得備逕側起破蒼麓遠到無限
極窮升犯雲族遊子定何之顧盼停馬足盤石長自閑
空源偶誰染塵氛見荒林物色存古俗粲粲弄幽花蒼
蒼蔭嘉木遺牛上巖顛驚鹿出槎腹鮮明極萬狀指以
才一粟雖從人力爲頗類陰帷續深堂得歌眠高枕生
遠矚餘光耀衾幃清意凝幔褥愚訶世幸畧慵卧嗜尤
酷因能助佳夢肯顧躋杲旭將相有時林溪品真我欲
儒林耻未博俗弄思自續婚嫁累苟輕耕釣吾已十圖
屏持自慰寤寐心思逐

八月二十九日小飲

陰陽在天地鼓吹猶橐籥煩蒸翕已盡灝氣乃浮薄群
山翠相抱塵霧如洗濯川源亦虛徹汎別歸衆壑驚音
滅蛙蚓勁意動雕鶚蠅蚊自不容雖有類鉗縛驅之舊
苦衆忽去寧匪樂俯仰自醒然意適忘體瘼天運雖已
晏生物固未剥蔓芋圃可掘禾黍田始穫脫苞紫栗迸
透葉紅梨渥幽花媚清景鮮敷耀新萼西風勸格露曉
愈脩摧能終犯寒沍詎可忽纖弱况當九日近家釀成
已昨溫顏几杖適弱質衣冠恪閨門自可會非必千里
約筆輶出人指還逆舊宮角初言小人獻終拜長者酢
清言喜自洽細故憂可畧幸無職事顧况荷租賦薄讀
休暇得醉且吟喙

食梨

今歲天旱甚百穀病已久山梨最大樹屬此亦乾朽當
春花盛時雪滿山前後常期摘秋實穰穰落吾手忽驚
冰玉敗不與膏澤偶清朝起周覽映葉才八九閑居問
時物此說得溪叟貧齋分寂絕塵抱徒噎嘔寧知蕭條
內把握忽先有食薪恐非稱分少覺已厚開苞日星動
落刃冰雪剖煙濤擇新汲遠負盈素正英華兩相發光
彩生戶牖初嘗密經齒又嚼泉垂口蠲煩慰諸親愈渴
忻衆友肯視故畦瓜寧論濁泥藕歲晚迫風霜人飢之
藝糗真味雖暫御未許置樽酒

追租

耕耨筋力苦收刈田野樂鄉鄰約來往樽酒追酬酢生
涯給俯仰公歛忘厚薄胡爲此歲暮老少顏色惡國用
有緩急時議廢量度內外奔氣勢上下窮割剥今歲九
夏旱赤日萬里灼陂湖蹙埃壘禾黍死燒確衆期必見
省理在非可畧謂須倒廩賑詎止追租閤吾人已迫切
此望亦迂邈奈何呻吟訴卒受鞭撻却寧論救樵悴反
與爭合龠問胡應驅迫久已罹匱涸計須責強壯勢不
存羸弱去歲已如此愁呼徧郊郭飢羸乞分寸斯須死
咎縛法令尚脩明此理可驚愕公卿飽天祿耳目知民
瘼忍令瘡痍內每肆誅求虐但憂值空虛寧無挺犂鋤
暴吏体宜除浮費義可削吾卧避囂喧茲言偶斟酌試

起望遺村霾風振墟落

桐樹

棄地瓦礫間茲桐偶誰樹憶見擁西牆俄成劃烟霧得
時花葉鮮照影清泉助當軒蔽赤日對卧醒百慮惜哉
稟受弱妄使鸞鳳顧商聲動猶微秀色觸已沮泣摧亂
繁條逼迫畏清露暄晴幸未闕飄落儻可拒噫號衝颺
回激射陰霰聚此勢復可言瞪視空薄暮

九月九日

淒淒風露滋靡靡塵雷屏已忻廬舍清未苦裘褐冷眠
食味尤嘉起坐日尚永虛天照積水精鑑出幽礦石瑩
見山稜林疎覺惚罔黃花宿蕊破艷艷晨粧靚頻尋遠

逌香每愛蒼池影爲誰佳色鮮慰我貧齋靜寒醅出家
法異果得他境甘腴饌新兔醜恠薦修蠶蒲猛反幽閑重
時節老大珍物景獻酬興未薄比諷思猶騁况同親戚
歡詎匪田野幸俱醉任栖鴟燭炬尚可秉

路中對月

山川困遊人而不斷歸夢其餘惟日月朝夕南北共日
光驅人身擾擾逐群動鄉思須暫忘世事那止重豈如
月可喜露坐惜恹恹清明入襟懷萬里絕纖霧愛之不
能食但以目睛送想知吾在廬皎皎上脩棟慈親坐高
堂切切兒女衆憐其到吾前不使降惟懔豈不映時節
荏苒更季仲而我去方急其能計歸轡我非土木為耳

目異聾曹念之曷由安腸胃百憂中何言月下喜喜意
亦有用爲其同此時水木光可弄猶勝夢中事記之聊
一誦

聽鵲寄家人

鵲聲喳喳寧有知家人聽鵲占歸期物情固不等人事
爾意自驚思別離秋風粲粲正可愛黃菊芙蓉開滿枝
春風千樹變顏色遠水靜照紅霞衣梧桐楊柳豈知數
沙走露冷銀床歆新黃暗綠各自媚爛熳未減春風時
誰言秋物不可賞人意自移隨盛衰山田正冷酒味美
禾黍半收鷄鴈肥霜梨野栗處處有雪密薦口清香隨
鄉園物物可想見我意抵隨魂夢飛家人未用占鵲語

應到婦時春亦歸

讀書

亦云辛卯歲讀書

吾性雖嗜學年少不自強所至未及門安能望其堂在
苒歲云暮家事已獨當經營食衆口四方走遑遑一身
如飛雲遇風任飄揚山川浩無涯險阻靡不嘗落日號
虎豹吾未停車箱波濤動蛟龍吾方進舟航所勤半天
下所濟一毫芒最自憶往歲病軀久羸尫呻吟千里外
蒼黃值親喪母弟各在遠計歸恐驚惶凶禍甘獨任危
形載孤艎崎驅護旅攬緬邈投故鄉至今驚未定生還
乃非常憂慮心膽耗馳驅筋力傷况已近衰境而常犯
風霜驅之久如此負病固宜長朝脯暫一飽百回步空

廊未免廢坐卧其能眎繡紉新知固云少舊學亦已忘
百家異旨趣六經富文章其言既卓闊其義固荒茫古
人至白首搜窮敗肝腸僅名通一藝著書欲煌煌瑕庇
自掩覆後世更昭彰世久無孔子指畫隨其方後生以
中才膏臆妄度量彼專猶未達吾慵復何望端憂類童
稚習書倒偏傍况令議文物規摹詎能詳輪轅孰曉直
冠蓋熟繚黃珪璋國之器孰殺孰鋒鏖問十九未諭其
一猶面牆幾微言性命萌兆審興亡茲尤覺浩浩吾詎
免悵悵因思幸尚壯曷不自激昂前謀信已拙來效庶
云減漸有田數畝春殊可耕桑休問就醫藥疾病可消
攘性本反澄澈情田去榛荒長編倚脩架大軸解深囊

收功畏奔景，窺皇起幽房。虛窓達深暝，明膏續飛光。搜
窮力雖憊，磨礪志須償。譬如勤種藝，無憂墮困倉。又如
導消涓，寧難致湯湯。昔廢漸開闢，新輸日收藏。經營但
疊疊，積累自穰穰。既多又須擇，儲精棄其糠。一正以孔
孟，其揮乃韓莊。賓朋碩，空館議論據方床。試為出其有，
始如宮應商。紛紜遇叩擊，律呂乃交相。須臾極萬變，開
闔爭陰陽。南山對塵埃，相摩露青蒼。百鳥聽徘徊，忽如
來鳳凰。乃知千載後，坐可見虞唐。施行雖未果，貯蓄豈
非良。何殊甌中馬，縱齒草滿場。形骸苟充實，氣力易騰
驤。此求苦未晚，此志在堅剛。

雜詩五首